

LIBRARY OF THE UNIVERSITY OF ILLINOIS
168
PANEGYRIN
PHILOSOPHIAE DOCTORVM

ET

MAGISTRORVM LL. AA.

CREANDORVM RENVNCIANDORVM

IN D. XXVIII. FEBR. CIOIOCCCV

H. L. Q. C

I N D I C I T

CHRISTIANVS DANIEL BECKIVS

ORD. PHIL. H. T. DECANVS

NONNVLLA DE IVDICIO ARTIS HISTORICAE
CLASSICORVM SCRIPTT

L I P S I A E

LITTERIS KLAVBARTHIIIS



Quemadmodum historicorum veterum, qui vere classici appellantur ¹⁾, ars a multis saepe, interdum etiam cupidius ²⁾, comparatione cum recentioribus instituta, laudata est, a paucis recte aestimata ³⁾, ita nec defuerunt, qui recentioribus antiquos historicos postponerent, et de eorum arte non magnifice statuerent ⁴⁾. Neque enim negari potest, etsi multae sunt illorum scriptorum virtutes, tamen omnem, de qua nunc sapienter praecipitur, historiographiae vim et artem nec scriptoribus nec iudicibus ⁵⁾ historiae antiquis plane cognitam fuisse atque perspectam. Nuper vero exstitit, qui, quum Sullam et Roberti-petraeum inter se conferre et utriusque res et mores explicare atque defen-

A 2

- 1) Etenim etiam inter veteres fuerunt, qui vel simpliciter enarrarent, quae et cognoverant et acceperant, euenta et facta hominum populorumque, vel in ordinem quemdam redigerent omnium temporum res, nulla magnopere usi arte, utiles illi quidem *scriptores* (*συγγραφεῖς, λογογράφοι*), sed non *historici* proprie appellandi. Vt taceam eos, qui seriori aetate, ne iudicio quidem adhibito, res conscripserunt.
- 2) Vt a *Wartono*, cuius *Comparatio veterum et recentiorum nuper francogall.* reddita est (*Des anciens et des modernes, Archives litter. de l'Europe* 1804. n. XI.) p. 185. s.
- 3) Vt alios non recenseam, conferendi sunt *Conzius* (über die histor. Kunst der Alten, Museum f. griech. und röm. Lit. St. 2.) et *Creuzerus* (die histor. Kunst der Griechen — L. 1803. 8.) Add. *Schellius* (welche alte klass. Aut. — soll man lesen) p. 189—290.
- 4) Inprimis ex quo coeptum est, *Machiavellium* primum dicere, a quo scripta vere historia fuerit.
- 5) Vt *Dionysio Halic.* et *Luciano*. Cf. *Wieland*. Att. Mus. I. part. 3. p. 163. *Creuzer* Herodot und Thucyd. p. 85. s.

defendere constituisset, contenderet, antiquam historiographiam continuisse non nisi *animi iudicia*, recentiori esse propria *mentis iudicia*, h. e. in illa homines per se ipsos absolute vel bonos vel malos fingi, in hac autem rerum eventa et hominum facta a quadam repeti necessitate ⁶⁾. Iam etsi contra eam historiographiae descriptionem non minus multa quam contra illud commentum, quo *necessitati temporum* crudelissime facta unice tribuuntur, poterant moneri: tamen nunc non placuit, nisi *rationem et artem, qua classici scriptores in iudicandis factorum et rerum gestarum fontibus et originibus usi sunt*, quatenus ea huc pertinet, explicare et tueri, atque *iudicia* vett. scr. de Sulla breviter examinare.

Et primum quidem omnium, quoniam, quod inter omnes constat, e poësi originem duxit historia ⁷⁾, nemo mirabitur, quemadmodum poëtae necessitate quadam et fati omnia regi et deorum interventu geri cecinerant ⁸⁾, quae opinio ab antiquissima cogitandi ratione non abhorruit, ita etiam historicos antiquiores in factis enarrandis eventisque explicandis non unam spectasse hominum prudentiam et libertatem, sed repetiisse plurima a necessariis quibusdam causis et rationibus, etiamsi eas non in ipsa rerum natura quaerent, sed, quod isti aetati conveniebat, ultra naturam positas invenirent. *Herodotus* certe quidem, cuius commentarii medium tenent inter epicam et quae proprie

6) Sulla und Robespierre, von F. B., in *Posselt's Europ. Annalen*, 1804. Part. IX. p. 243. f. Consilium autem eius commentationis non magis probari mihi potuit, quam studia aliorum, qui homines magnos illos quidem, sed eosdem turbatores populorum, ut Alexandrum illum, Macedoniae regem, vel laudarent cupidissime, vel quavis arte excusarent. Eripiunt enim generi humano, quo uno se consolari aliosque terrere potest, iudicii recti severitatem.

7) Cf. Comm. mea de fontibus et scriptoribus historiae graecae, praemissa versioni vernaculae Goldsmithi Hist. gr. cuius tertia eaque multo auctior, propediem prodibit editio.

8) *Hermann*. de necessitate tragica et epica, in Comm. de trag. et ep. poësi ad calc. Aristot. Poet. p. 263. Io. *Floderi* diss. de Ate HomERICA in Stosch Mus. Crit. I. p. 204. ss. *Heynii* Exc. ad Hom. Il. I. T. IV. p. 168. ss.

prie historica dicitur, narrationem ⁹⁾, deorum interventu et ministerio utitur saepissime, nihil non deorum nutu geri ¹⁰⁾, oraculorum et somniorum monitis, et insolitorum naturae euentorum vi humanas res administrari ¹¹⁾ fingit, et vicissitudines casusque tum imperiorum atque populorum tum singulorum hominum ad τὸ Θεῖον eiusque inuidiam et ad fati necessitatem refert ¹²⁾. Quae omnia si quis ad nostram reuocare rationem voluerit, intelliget hoc omnino dici, eam esse divini numinis vim ut ab ea consilia et facta hominum quaevis pendeant, h. e. ut homines non suo arbitrio ii fiant, quos esse historia doceat, idque faciant, quod insito ingenio respondeat, sed ii sint et ita agant, ut rerum externarum absolute necessaria postulauerit ratio. Quo in genere ad physicas potius quam ethicas rationes Herodotum respexisse non mirandum est. Quid quod meliora consilia non sequi homines, etiamsi ea perspexerint, diis nolentibus, et diserte Persam quemdam in Attagini conuiuio dicere iubet ¹³⁾, et Xerxis regis exemplo confirmat.

9) C. A. Böttigeri Prol. I. de Herodoti historia ad carminis epici indolem propius accedente, Vlm. 1792. et in Ruperti et Schlichthorst Neuem Mag. für Schullehrer II. p. 293. ss. Prol. II: ibid. III. p. 54. ss. Herodot und Thucydides Versuch einer nähern Würdigung einiger ihrer histor. Grundsätze von Ge. Fr. Creuzer L. 1798. 8. p. 105. — Add. de Rochefort Premier Mém. sur la Morale d'Herodote (combien Hérodote s'est attaché à imiter Homère) Mém. de l'Acad. d. Inscr. T. XXXIX, p. 1. ss. et Second Mém. sur Hérodote comparé à Homère ib. p. 29. ss.

10) v. Böttiger ap. Rup. II. p. 301. s. 304.

11) v. Böttiger l. l. p. 308. ss. Creuzer Her. p. 52. 54. 64.

12) Böttiger ap. Rup. T. III. p. 57. s. add. Geinoz Défense d'Hérodote contre les accusations de Plutarque, second Mém. où l'on s'attache à développer le système de morale, qu' Hérodote a suivi, Mém. de l' Acad. d. Inscr. XXI, (p. 120. ss.) p. 127. et Cusp. Jac. Besenbeck diss. de malevolentia τῶ Σεία ad Herod. I, 32. Erl. 1784. 4.

13) IX, 16. Verba sunt: Ζεῖνε, ὅ τι δὲ γενέσθαι ἐκ τῶ Σεῦ, ἀρχαῖον ἀποτρέψαι ἀνθρώπων· ἀλλ' γὰρ πιστὰ λόγῳ ἐθέλει (siue ut Stob. habet θέλει) πείθεσθαι ἐδείς. ταῦτα δὲ Περσῶν συχνοὶ ἐπιστάμενοι, ἐπόμεθα ἀναγκαίῃ ἐνδεθήμενοι, ἐχθίστη δὲ οὖν ἐκ τῶν ἐν ἀνθρώποις αὕτη, πολλὰ φρονέοντα μηδενὸς κρατεῖν, ubi vidd. Weszel. et Valken.

mat. Qui quum abhorreret a bello Graecis inferendo, a sententia, quae firma ei stare videbatur, auocatus tandem est deorum ¹⁴), h. e. aulicorum et Graecorum exulum, quibus bellum commodissimum esset, artibus, et rerum plurimarum vi eo redactus est, ut bellum inuitus suscipere cogeretur. Sed de crudelitate etiam Xerxis exponit ita, ut necessitatis cuiusdam, quae fuerit saeuitiae causa, vestigia apparent ¹⁵. Quae quidem omnis ratio de causis rerum et factorum statuendi, quum, ut philosophiae antiquissimae non aduersabatur, ita libertati hominum et virtuti parum consuleret, emendato omni philosophandi studio et hominum vita atque indole diligentius obseruata, non potuit non ita mutari, ut, etiamsi non ea negligerentur, quae rerum aliarum necessitudo, et, cui illa subest, diuini numinis cura efficeret; ingeniis tamen et moribus hominum et populorum sua tribueretur, eaque suis et internis causis nixa, vis et libertas. *Thucydides* enim, quem contra *Dionysii Halic.* iniquius iudicium recte nuper multi sunt tuiti ¹⁶), longe subtilius de humanis rebus et factis eorumque causis iudicat, multo verius examinat mores hominum et ingenia aestimat; non ille oraculis impelli et tantum non cogi ad facta homines, non deos ulcisci ubique eos, qui efferre se ipsisque resistere ausi fuerint, iubet. Et peritiae quidem eius atque prudentiae in indicandis hominibus specimen reperitur in eo loco ¹⁷), quo *Periclis* et qui eum sequuti sunt

14) VII, 6—18. ubi *ἐπεὶ δαιμονίη τις γίνεται ὁρμή*, inquit *Xerxes*, *ἐγὼ μὲν καὶ αὐτὸς τράπομαι καὶ τὴν γνώμην μετατίθεμαι.*

15) VII, 39. IX, 108. ss.

16) *Heilmann* Kritische Gedanken von dem Character und der Schreibart des *Thucyd.*, in eius *Opusculis theol. maxime argumenti*, ed. *Danov.* T. II, p. 92. ss. *Creuzer* *Herod. u. Thuc.* p. 45. ss. 17. Idem de *Xenoph. praef.* p. IX. *Eiusd.* *Histor. Kunst der Griechen* p. 265. ss.

17) II, 65. de b. *Pelop.* *ἐκείνος μὲν δυνατὸς ὦν τῷ τε ἀξιώματι καὶ τῇ γνώμῃ, χρημάτων τε διαφανῶς ἀδωρότατος γενόμενος, κατείχετο τὸ πλῆθος ἑλευθέρως, καὶ ἂν ἦγετο μᾶλλον ὑπ' αὐτῆ ἢ αὐτὸς ἦγε, διὰ τὸ μὴ, κτώμενος ἐξ ἑ προσηκόντων τῇ δυνάμει, πρὸς ἡδονὴν τι λέγειν, ἀλλ' ἔχων ἐπ' ἀξιώσει καὶ πρὸς ὀργὴν τι ἀντειπεῖν. οἱ δὲ ὕστερον ἴσοι αὐτοὶ μᾶλλον πρὸς ἀλλήλους ὄντες, καὶ ὁρεγόμενοι τῷ πρώτῳ ἕκαστος γίνεσθαι ἐτραπόντο καὶ ἡδονὰς τῷ δήμῳ καὶ τὰ πράγματα (vel *summam rerum*, unde non delendum est καὶ) ἐνδίδοναι.*

sunt administrationem ciuitatis comparat. Nam ex ingenio utrorumque repetit rationem, quae inter ipsos et populum necessario intercesserit, et ex hac modum, quo rempublicam gesserint. Prudenter sane, quamquam, an cupidius laudatus sit Pericles, dubitari potest. Ipsum autem bellum Peloponnesiacum et necessaria rerum serie aduectum, et Periclis consilio susceptum esse demonstrat ¹⁸⁾. Verissime etiam, quum belli Siculi ab Atheniensibus temere et Nicia dissuadente initi causas indagaret, necessitatem quamdam eius in metu, ne Egestaeis subactis, Dorum ideoque Lacedaemonium imperium nimis augeretur, inuenit, rationem in cupiditatibus hominum varii generis et aetatis ¹⁹⁾. Neque minus recte Niciae cum exercitu e Sicilia redire coacti cunctationem et cladem tum ex euentis tum ex ingenio hominis repetiit ²⁰⁾. Itaque, quum talem haberet, quem sequi posset, ducem *Xenophon*, multis ille nominibus laudandus historicus, mirandum esset, eum in hoc genere, ut in aliis, maluisse ad Herodoti exemplum redire ²¹⁾, nisi ei fuisse non adeo acrem et insignem mentis vim, eamque etiam certa quadam superstitionis ratione, quam certe non ex Socratica schola acceperat, magis hebetatam, aliunde constaret ²²⁾. Somniis enim, oraculis, aliis deorum monitis maluit et suas et aliorum res potius, quam deliberatis consiliis et rationibus grauibz regi; ominibus, praesagiis, et insolitis naturae euentis plurimum tribuit ²³⁾, atque ita necessitatem quamdam rerum factorumque saepe induxit, quae, nisi ipsam morum honestatem hoc siue religionis siue superstitionis veluti fundamento niti iussisset, ethico quod in componendis libris sequutus maxime

18) L. I. Atque ad illam rerum seriem declarandam ipsum prooemium, opinor, spectat, a nonnullis reprehensum. Cf. *Evers Diss. de prooem. Thuc.* p. 7. ss.

19) VI, 6. et 24.

20) VII, 47. ss. ubi c. 51. ἦν γὰρ τι (Nicias) καὶ ἄγχι Σειασμῶ τε καὶ τῇ τοιαύτῃ προσκείμενος.

21) Dionys. Halic. Ep. ad Pomp. de praec. histor. c. 4.

22) *Weiske Comm. de ing. Xenoph. T. I. Opp.* p. XXXIX. XI. VIII. et de Hist. graeca T. IV. p. XVI. *Creuzer histor. Kunst der Gr.* p. 290. ss.

23) *Creuzer de Xenoph. historico simulque historiae scrib. ratione quam inde ab Herod. et Thuc. scriptt. Graeci secuti sunt, P. I. (1799.)* p. 3. ss.

maxime est, consilio prorsus aduersaretur. Veruntamen sunt etiam loca, in quibus ita legantur res ipsae enarratae, ut inde, sic neque aliter facere homines debuissent, clarissime appareat. Quae quidem componendae narrationis ars tanto magis laudanda est, quanto plus lectorum et diligentiae in obseruando et in iudicando acumini relinquitur. In iis locis maxime memorabilis est ille, cui cum quaestione de Sulla et Robertipetraeo, vnde omnis disputatio exorsa est, magna intercedit necessitudo ²⁴), de *triginta tyrannis*, qui, finito bello Peloponnesiaco, Athenis exstiterunt, quorumque princeps fuit Critias. Cui quum hoc esset propositum, ut ad paucorum dominationem tandemque ad suam res redirent, quod populare istud ciuitatis regimen stare non posse vidisset: quoniam intellexit, nec posse tum mutari ciuitatis formam, praesertim in oligarchiam, nisi ciuibus multis, qui aduersarentur, eiectis caesisue ²⁵), nec teneri consilium posse, si quis collegarum isque mutabilis obstitisset ²⁶), ad eam adductus esse traditur crudelitatem, quae et Theramenem et ciues alios plurimos tolleret. Illo autem loco, quo expeditionis aduersus Persarum regem graecorum ducum ingenia descripsit, in quibus pessima fuit Menonis indoles ²⁷), tanta reperitur varietas, tamque accommodata ad res eorum explicandas ratio, ut inde causae factorum probabiles deriuari recte possint. Nam, ut hoc utar, e Menonis quidem moribus certo intelligitur, quomodo ille vel prodere populares barbaris vel prodicionis certe suspectus esse potuerit ²⁷). Dicerem hoc loco etiam de Agesilao, nisi auctor

24) Hist. Gr. II, 3. sect. 11. ss.

25) *εἰ μὲν τις ἑμῶν*, inquit Critias I. 24, *νομίζει, πλείους τῶ καιρῷ ἀποδηῆσαι, ἐννοησάτω, ὅτι ὅσα πολιτεῖαι μεδίσονται, πανταχῶ ταῦτα γίγνεται· πλείους δ' ἀνάγκη πολέμιους εἶναι* (non addendum ἡμῖν) *τοῖς εἰς ὀλιγαρχίαν μεδίσασιν κ. τ. λ.*

26) Vid. §. 32. 33. Vnde etiam quum videret senatorum suffragiis fore ut absolueretur, ipse suo iudicio, eoque iniustissimo, etsi necessitate extorto, intercessit, §. 51.

27) Anab. II, 6. Et Menonis quidem iudicium acerbius et diductius, in quo Creuzerus (hist. K. p. 308.) haesit, ex singulari quae inter Xen. et Menonem fuit ratione, explicari posse videtur.

27) Anab. II, 5, 28.

auctor libelli, quicumque etiam fuerit, parum historicae artis gnarus a rerum eius enarratione ita seiunxisset ingenii laudes, ut propemodum nulla deprehenderetur necessitudo. Iam qui hos sequenti proxime sunt Graecarum rerum scriptores, plerique Isocrateae scholae aut aliorum rhetorum discipuli et aemulatores, quomodo in causis factorum siue ex ordine rerum necessario, siue ex animorum indole, explicandis versati fuerint, non satis constat. Vnum Dionysius ²⁸⁾ laudat Theopompum, cuius historiam Philippi velimus seruata esse ita, ut inde utriusque causarum generis et psychologici et ut ita dicam cosmologici atque politici rationem eum habuisse concludamus. Seniorum scriptorum qui in causis rerum diligenter inquirendum esse ostenderent, facile princeps fuit *Polybius* ²⁹⁾, unde idem vituperat historicos, qui cupiditate aut ira ducti magnorum virorum facta aut reprehendant perperam aut male laudent, rationibus non diligenter subductis ³⁰⁾. Et quamquam ipse, quatenus ex iis qui supersunt libris iudicari potest ³¹⁾, non omnes omnis generis rationes, unde hominum ingenia, consilia, et facta penderent, exposuit, siue ea esset culpa pragmaticae illius speciei, quam animo informatam habebat, siue mentis eius non sagacissimae et rerum causas omnes penetrantis: tamen non uni tantum causarum generi addictus fuit. In Arati quidem maioris rebus enarrandis partim ingenium eius, quatenus ad res gerendas pertinebat, spectauit ³²⁾, partim tempora, quibus coactus fuerit patrare, quae improbarentur, non neglexit

28) Ep. ad Pomp. c. 6. p. 785. T. VI. Reisk. μή μόνον τὰ φανερά τοῖς πολλοῖς ὁρᾶν καὶ λέγειν, ἀλλ' ἐξετάζειν καὶ τὰς ἀφανεῖς αἰτίας τῶν πράξεων καὶ τῶν πραγμάτων αἰτίας, καὶ τὰ πάθη τῆς ψυχῆς, ἃ μὴ ῥᾶδιὰ τοῖς πολλοῖς εἰδέναι. Et aduersus Prolybii iudicium eum tuitus est Frid. Kochius in Prolegg. ad Theop. Chium (1803.)

29) ἱστορίας εἰάν τις ἀφέλῃ τὸ διὰ τί καὶ πῶς καὶ τίνας χάριν ἐπράχθη, καὶ τὸ πραχθὲν πότερι εὐλογον ἔσχει τὸ τέλος, τὸ καταλείπομένου αὐτῆς ἀγώνισμα μὲν, μάθημα δὲ ἐγίγεται III, 31. add. III. 6.

30) Excerpta Vales. Polyb. p. 21.

31) Nam fortassis in aliis locis persecutus fuerat, quae nunc desiderantur, ut de causis mutati ingenii Philippi. v. IV, 77.

32) IV, 8.

neglexit ³³). In bello etiam a Carthaginiensibus cum mercenariis gesto bene docuit, quomodo Annibalem et ab ingenio quod ei erat mitiori desciscere, et cum Hannone, quocum ei similtas fuerat, in gratiam debuerit redire ³⁴), belloque finem imponere. *Arrianus*, qui, quoniam *Xenophontis* exemplo usus est et philosophus fuit, non praetermittendus esse videtur, etsi ob rerum gestarum fidem et delectum, narrationis simplicitatem et venustatem, praeceptorum sapientiam et operis consilium ad honestatem spectans, denique omnes orationis virtutes, recte laudatus est ³⁵): tamen, ut nimium in *Alexandri* rebus persequendis tribuit somniis, prodigiis, oraculis, vati-
bus ³⁶), quae communis ei cum *Xenoph.* fuit superstitio; ita causas factorum dictorumque *Alexandri*, nec quae ex eius animo essent repetendae ³⁷) nec quae in temporibus quaerendae ³⁸), satis explicuit. Nam illud, quod dedisse *Dario*, dissentientibus amicis, legitur responsum *Alexander* ³⁹), qua ratione nitēretur, ne quis ad temeritatem referret, diligenter docendum erat. Scilicet consilium euertendi *Persarum* regni non nunc demum captum est, sed eius, ut patris, animo dudum

33) Vt in causa Mantineensi II, 57. ss. quo nomine *Phylarchus* grauiter reprehenderat *Aratum*.

34) I, 68 — 80.

35) Vid. *Santacroci* (*Sainte-Croix*) *disquis. de historicis Alexandri M.* (an-
glice versa et aucta a *Rich. Claytōno*, Bath. 1793. 4.), cuius nouam expectamus editionem, p. 30. ss. et *Chaussardus* in *Notitia Arriani*, praemissa eius
versioni francog. T. I. (1802.) p. XLVIII. ss.

36) Vid. *Exp. Alex. M.* II, 3. VII, 24. 30. IV, 13.

37) Ita, quae vitia *Alexandri* recensentur, eorum origo non psychologicè explicatur, cum τὸ σπφρονεῖν, regibus recte commendatum, defuisse ei dicatur IV, 7, 10. (ubi scrib. ἐν ταύτῃ, non ut in ed. *Schmieder.* ἐν τ' αὐτῇ) Nam id ipsum cur defuerit, quaeritur. Verissima est *Santacroci* vox ap. *Clayton*. p. 249.: True virtue, which really springs from the heart, seldom varies, but continues to animate the bosom, until it ceases to throb itself.

38) Vid. v. c. VII, 29. Mira est laudatio γυναιότητος, quod perperam factorum poenitentiam non dissimulauerit, cum ea non emendasset.

39) ἔτε χρημάτων δεισθαι παρὰ Δαρείου, ἔτε τῆς χάριτος ἀντὶ πάσης τὸ μέγας II, 25.

dudum insederat, confirmatumque est felicissimo et vel spem eius superante successu rerum adhuc gestarum. Neque, cur regem, Aegypto expugnata, adire Hammonis oraculum, h. e. fertilissimam et mercaturae opibus florentissimam Libyae regionem, oportuerit, demonstratum est ⁴⁰). Ne illam quidem morum eius mutationem ⁴¹), quam euenisse consentiunt omnes, etsi plurima alii inde deriuant Alexandri crimina, mitius alii statuunt, satis explicatam ab Arriano vidi. Quodsi illius iudicia ⁴²) iustis destituuntur causis, quibus certo efficiatur, talem esse debuisse quem fuisse cognouimus Alexandrum, multo minus eam artem et rationem factorum et morum grauiter et vere explicandorum seriores scriptores graecos tenuisse existimandum est. Quare ad *latinos* accedimus, qui, quo pauciores sunt historicorum nomine vere digni, eo breuius erunt persequendi.

Inter quos, quum antiquiorum non seruata sint nisi fragmenta, primus nominandus est *Sallustius*. Quem, quod constet Thucydidem esse aemulatum ⁴²), tanto rectius sperandum est in causas ingeniorum et factorum inquisiuisse. Neque verò ea spes est falsa. Nam in illo quidem libello, quem de Catilinae coniuratione composuit, primum,

B 2

40) Nam nec oraculum, quod *ἀργεῖς* dicebatur, nec Persei atque Herculis aemulatio regei debuit (ut III, 3, 1. refertur) ad iter illud impellere, cuius opportunitate Darius vires potuit recuperare; imo commercia inter Aegyptum et Libyam, hactenus interrupta, restitui, multo grauius erat.

41) ἡ μετακίνησις ἐς τὸ βασιλευμένον (IV, 8, 6.) cuius duplex poterat indicari causa, altera in ipso Alexandri a vanitate nunquam alieno ingenio, altera in ista populorum Orientis ratione, quae vel cogebat regem Orientis mores sequi, unde etiam adorationem flagitauit.

42) Vt IV, 9, 1. 2. Iudicia aliorum de Alexandro plurima collegit *Chaussardus* vers. laud. T. III. p. 24 — 156.

42) Cf. I. I. II. *Nast* Comm. de virtutibus historiae Sallustianae, Stuttg. 1785. 4. qui idem Vir doctus etiam de modo veterum historiarum pertractandi scripsit, 1786. I. C. *Brieglebii* diss. de ingenio philos. Sallustii, Cob. 1779. 4. Non modo *Burtonus* in eius ingenium inquisiuit, sed etiam *Rob. Altes* Thucydidem, Sallustium et Tacitum inter se comparauit. Vid. *Brüggemann* View of the English Editions etc. p. 532.

nium, quomodo ipsum hominis ingenium animique indoles ad omnem prauitatem fuerit formata, docet ⁴³⁾; deinde, quid temporum rationes valuerint ⁴⁴⁾, explicat, unde omnino necessarium fuisse colligitur, ut patriae iste bonisque omnibus interitum molirétur ⁴⁵⁾. Vnum hoc reprehendi potest, quod, quum iusto breuior fuisset scriptor in variis partibus et, ut ita dicam, actibus coniurationis Catil. discernendis et explicandis, non satis pateat, quibus sensim modis ad consilia peiora et atrociora facinora fuerit adactus. Maiorem etiam habet Iugurthini belli enarratio varietatem rerum et causarum. Nam non modo regis rationes saepe in illo bello mutatas, sed Romanorum quoque, quibus in eo bello partes fuerunt, explicare ingenia scriptor instituit ⁴⁶⁾. Illum igitur non modo natura animoque fuisse barbarum, sed temporibus etiam semper cessisse, prudenter docet, hos (Aulum, Metellum, Marium) quomodo ciuiles dissensiones atque priuata studia rexerint factisque eorum fuerint moderata, perite exponit. Vnde, quantam fecerimus in sex eius Historiarum libris, quibus Romanas res a morte Sullae usque ad Catilinae coniurationem persecutus erat ⁴⁷⁾, facile potest iudicari. Ille, quem *summum auctorum* ipse Tacitus laudat ⁴⁸⁾; *Julius Caesar*, cuius commentarii non simplicitate orationis et venustate

43) B. Cat. c. 1.

44) Corrupti mores ciuitatis, familiaritas pessimorum hominum, plebis studia nouarum rerum c. 1. 10. ss. 33.

45) Neque enim inuidiam Catilinae factam, oppressumque eum iniuste esse, quod fuerunt, qui conicerent, doceri potest.

46) „Bellum, inquit, scripturus sum, quod populus Rom. cum Iugurtha gessit, primum quia magnum et atrox, variaeque victoria fuit; dein quia tum primum superbiae nobilitatis obuiam itum est.“ B. Jug. c. 1.

47) Fragmentorum, quae a Debrossio instituta est collectio, post eius mortem edita, optandum est, ut iterum examini subiecta meliusque curata apud nos repetatur.

48) Germ. c. 28. Add. I. Gu. Bergeri Commentarius de naturali pulcritudine orationis, L. 1720. qui potissimum in Caesare versatur, Fr. Oudendorpii Or. de literatis Iulii Caesaris studiis, L. B. 1740. 4. et Io. de Müller (Briefe eines jungen Gelehrten an seinen Freund p. 163. ss.)

state magis, quam narrationis arte et iudicio commendantur, in iis, quos de bello Gallico conscripsit, libris rerum causas repetit potissimum a consilio, quod temporibus omnibus prudenter fuerit usum ⁴⁹⁾, in iis autem, qui ciuiliis belli historiam exponunt, multo plura ad eam refert necessitatem cui fuerit cedendum ⁵⁰⁾. In qua explicanda ita est perite versatus, ut nec diceret extortum esse inuito bellum, quod magnum virum dedecuisset, nec temere et pro lubricine susceptum ostenderet, quod mentem animumque turpem prodidisset. Quod *Livio* in omni opere propositum fuit ⁵¹⁾, facile docere potest, diligentiorum eum in moribus et ingeniis siue singulorum hominum ⁵²⁾, siue populi ordinum et gentis uniuersae notandis et vel exornandis vel vituperandis, quam in iis rerum rationibus et momentis adferendis fuisse, quorum vi consilia saepe flecterentur, regerentur coepta et facta. Quas quidem rationes quo minus eo quo erat mentis acumine indagaret, ipsa ista superstitio, quae nullo non loco prodigiis et ominibus ute-

49) B. Gall. I, 37. add. etiam b. Civ. I, 70. a.

50) Nam primum belli ciuiliis origines tractauit ita, ut non, quod alii fecerunt, causas eius omnes enumeraret, sed, quae iniuriae quamque iniquae conditiones ipsum, quamquam a ciuium caede abhorrentem, iusserint estimationem dignitatemque suam defendere, ostenderet (I, 7. 9. 11. add. 32.), deinde, quomodo, repudiatis ab hoste conditionibus omnibus, necessarium fuerit bellum persequi, doceret (III, 10. 16. s.). Quid enim relinquebatur, quum Labienus pronunciasset, nisi Caesaris capite relato pacem esse non posse? Quae ipsa res, etiamsi Caesarem dissimulasse nonnulla pateat, mitius tamen de eius consiliis opprimendae eius quae tum erat reipublicae iudicare nos iubebit.

51) Ad illa mihi pro se quisque acriter intendat animum, quae vita, qui mores fuerint; per quos viros, quibus artibus, domi militiaeque et partum et auctum imperium sit etc. Liv. praef. Cum Thucydide eum *Rapinus*, cum Herodoto *Alvefius* autem laudatus, cum Tacito *Tho. Hunterus* comparantur.

52) In his locis sunt egregii, qui, ut facta quaedam noua et parum exspectata ex ingeniis singularibus explicentur, valent, ut XXXV, 45. „Nulla ingenia tam prona ad inuidiam sunt, quam eorum, qui genus ac fortunam suam animis non aequant: quia virtutem et bonum alienum oderunt“ unde, cur Antiochus Hannibalis, tanti ducis, consilium abiicere debuerit, statim patet.

uteretur ³³), impedivisse videtur. Verum tamen incidi in loca, quibus, quae temporum fuerit vis in consiliis factisque moderandis, bene monuerit ³⁴). Longe autem eum hac arte rerum rationem nexumque et vim comprehendendi et causas quae vel ingenia hominum corrumperent ³⁵), vel eventa quaedam genuissent, universas et singulas explicandi superavit iudicio usu rerum et philosophia subacto excellens scriptor, Tacitus ³⁶). Non ille fati solis aut deorum irae adtribuit euenta

53) Cf. I. G. C. Klotzsch diss. de diligentia Liuii in enarrandis prodigiis recte aestimanda. Vit. 1789. 4. et Schwabii Vindiciae credulitatis Liuii, Buttst. 1779. Quanto tamen rectius iudicavit de prodigiis, nec ipse incuriosus eorum, Tacitus (cf. Hist. I, 37.) qui, quum plura memorasset omnia et prodigia, Vitellium ipsum praecipuum dixit ostentum (Hist. III, 56.)

54) In his ne parva quidem neglexit, quod prudentiae non leue fuit documentum. Vid. VI, 34. XXVI, 19. add. XXI, 1. 2. et, quae de bello Macedonico, vixdum finito Punico, inuita etiam plebe, necessario suscepto XXXI, 3. 5. refert.

55) Ita quomodo Nero sensim deprauatus rerum multarum vi, adulatorum vocibus, Poppaeae artibus etc. fuerit Ann. XIII, 25. XIV, 10. 12. ostendit. Egrege vero non modo morum Tiberii tempora distinxit (VI, 51.), sed etiam, unde ea diuersitas exstiterit, declarauit. Quo in genere quantum ab eo distat Velleius Paternus! Quem, si vel putem a Morgensternio (in Comm. de fide histor. Velleii Pat. in primis de adulatione ei obiecta) satis vel defensum vel excusatum esse, tamen ideo censeo notandum esse, quod, quum multa reperirentur in temporum istorum rationibus, quae ad Tiberium. Imp. excusandum, arte iusta adhibita, conferri possent, horum fere nihil adigit; quod potissimum obseruandum erat Krausio in Comm. de Velleii ingenio praemissa maiori editioni p. 39. Quam ipsam ob causam Velleium, qui saepius fortunae vim commemorat magis quam explicat (II, 110. 116. 72.) in hac disputatione non minus omisi, quam Cornelium Nepotem et Suetonium, quorum neuter satis mihi ostendere visus est, qua ratione hi, de quorum vita commentantur, facti fuerint et debuerint ii fieri homines, quos ipsi nobis proponunt; id quod biographia recte composita efficiendum est. Woltmann Versuche über die Biographie, kleine hist. Schriften I. p. 134. ss.

56) Cf. I. H. L. Meierotto Progr. de Taciti moribus, Ber. 1790. f. Hegewisch über den schriftsteller. Character des Tacitus, Berlin. Monatsschr. 1789. part. 7. p. 7. ss. Hill über die Talente und den Character des Geschichtsschr. mit Anwendung auf die Schr. des Tacitus in den Abhh. der Ges. der Wiss.

eventa ⁵⁷⁾ neque in moribus ⁵⁸⁾ tantum quaerit causas rerum, immo cum his coniungit uniuersam temporum rationem, ut non alios esse potuisse, qui imperio praeerant, intelligatur ⁵⁹⁾, saepe hoc quoque in genere, ut in aliis, summa usus breuitate ⁶⁰⁾. Fatendum tamen est, non ubique factorum, inprimis magnopere discrepantium, causas a scriptore editas esse probabiles ⁶¹⁾.

Sed ea, quae adhuc disputauimus, docent, opinor, scriptores veteres, etiamsi non ingenio sed animi indole nostris superiores esse concedamus ⁶²⁾, tamen non ad animum et ingenium unice retulisse factorum iudicia, sed altius interdum descendisse, et in necessitate quadam temporum et rerum siue antegressarum siue circumiectarum inuenisse causas, cur mores hominis quidam exstiterint, curque factum quid fuerit aut fieri debuerit.

Restat

Wissensch. zu Edinburg I, 123. ss. inprimis *Iac. Wegelin* diss. II. sur l'art psychologique de Tacite Nouv. Mém. de l'Acad. de Berlin a. 1779. p. 424. ss. et in diss. III. sur l'art caractéristique morale et politique de Tacite ib. a. 1780. p. 437. ss.

57) v. *Stäudlin* Bemerkungen über die Philosophie des Geschichtsch. Tacitus, in ei. Gesch. und Geist des Scepticism. II. p. 304. ss. Memorabilis inprimis est locus Ann. VI, 22. ubi, fatone et immutabili necessitate an forte res mortalium voluantur, an vitae electio relinquatur, quaeritur, quocum cfr. Vell. Pat. II, 66.

58) v. Annal. I, 80.

59) Inde qui fuerit certis temporibus status reipubl., sapienter docet (Ann. IV. 6. Hist. I, 5.), quae luxum rationes tuitae fuerint, quidue ille effecerit (AA. II, 33. III, 52. ss.), quantum turpissima adulatio valuerit ad principum animos, consilia et facta (AA. III, 65. VI, 2. XIV, 64. Hist. I, 45.) Nam profecto numquam pessimi imperatores euasissent, nisi adulatio senatus eos corrupisset, et ad quaeuis facinora excitasset.

60) Quam multa eniuius sunt egregiae voci (AA. III, 18): „Mibi, quanto plura recentium seu veterum reuoluo, tanto magis ludibria rerum mortalium cunctis in negotiis obuersantur“ aut huic (AA. III, 51): „Non senatui libertas ad poenitendum erat.“

61) Ita duo diuersissima Othonis Imp. facta (Hist. II, 50.), effectus ratione, comparauit, in causas et modum, quo utrumque in eodem homine esse potuerit, non inquisiuit.

62) Quae est sententia *Mülleri* (Briefe eines jung. Gel. an s. Freund) p. 103.

Restat ut, quid de Sulla indicatum vereque indicandum sit, videamus. Quo loco dolendum est, non superesse aut Sullae commentarios, aut alios aequalium et antiquiorum scriptorum libros, sed posterioris aetatis paucos harum rerum legi auctores ⁶³). Quorum duo inter Graecos praecipui in crudelitatis eius causis enarrandis diuersam sequuntur rationem ⁶⁴), ita ut alter, *Plutarchus* ⁶⁵), ad animi Sullae indolem incertam illam et ambiguum, atque mutationes morum subito factas, de quibus et alii dixerunt ⁶⁶), referat omnia, alter, *Appianus*, praeunte ipso Sulla tradat, rerum necessitate coactum ita mederi

VO-

63) Noti sunt auctores rerum Sullae, laudati etiam diligenter a *Debrossio* (*Histoire de la Républ. Romaine dans le cours du VII. Siècle par Salluste, T. I. p. 278. ss.*) Recentioribus accessit *L. Sachsus*, qui vernaculo sermone vitam Sullae coepit edere a. 1791.

64) Consentiunt partim in omnibus, prodigiis, somniis, eiusque generis aliis commentis enarrandis, quibus non suam defuisse vim ostendunt; (*Plutarchus* tamen in hoc genere superstitiosior — *V. Sull. 7. 9. 17. App. b. Civ. I. 83.*), partim in religione eius interpretanda (*Plut. v. Sull. 6, 2. ubi etsi defendi potest συνεκθειάζων κατὰ τὰ πραττόμενα* (*v. Intpp. Thuc. II, 75.*) tamen *Leopoldi* coniectura *συνεκθειάζων* non ab *Huttenio* fuit praetermittenda) 29. 3. ibique a *Leop.* laudd. — *δεισιδαιμονία* eius notatur 35, 2. — *App. b. C. I. 97.*)

65) Quamquam mores hominum *Plutarchus*, egregie plerumque, descripsit, Graeca philosophia et doctrina aequae ut rerum usu excultus (cf. *Wyttenbach. praef. ad Ecl. hist. p. XIX. s. Montaigne Essais T. IV.*), tamen Vitarum singularum non aequalis est ars et auctoritas. Et iis quidem, quae inferiores aliis ubertate iusta et iudicio reperiuntur, adnumero Sullae vitam, in qua usus est ducibus potissimum Commentariis Sullae, *T. Liuius*, et *Fenestella*, nihil autem de modo, quo ingenium et animus Sullae ab ineunte aetate usque ad quaesturae tempus formatus fuerit, narrat. Mutationi morum eius subiecit (c. 30. extr.) hoc iudicium quod nullum est: *τῆρο μὲν ἂν, εἴτε κίνησις ἐστὶ καὶ μεταβολὴ φύσεως ὑπὸ τύχης, εἴτε μᾶλλον ὑποκειμένης ἀποκάλυψις ἐν ἐξέσει κακίας, ἐτέρῃ τις ἂν διορίσειτο πραγματεία.*

66) *Dio Cass. I. p. 54. et Intpp.* Splendidus est, quam verius iudicium *Velleii* (*II, 17, 1.*): vir qui neque ad finem victoriarum satis laudari, neque post victoriam abunde vituperari potest. Rectius *II, 25, 3. ubi* lacuna non admissa lego: dum vincebat, iustissimo lenior etc. at verbo superscriptum abiiit in ac.

voluisse reipublicae et senatus auctoritati ⁶⁷⁾, quae est rationum ab auctore commentationis p. IV. laudatae adlatarum altera ⁶⁸⁾ eaque per se probabilior. Marius enim, Sulpitius, alique harum partium duces et civium veterum dignitatem et nobilium auctoritatem et potestatem senatus euerterant, principesque civitatis ad Sullam confugerant ⁶⁹⁾, qui, quum eos restituisset patriae, civibus nonis opprimendis, tribunitia potestate coercenda et dignitate minuenda, denique legibus quas promulgavit siue potius scripsit, docuit, ad senatus et nobilium auctoritatem restituendam facere plurima eius instituta. Verum tamen nec vere libertas et potestas senatui populoque reddita est, sed magis in speciem ⁷⁰⁾, nec ita intelligitur, cur tantopere salvare, etiam in innocentes, istum oportuerit ⁷¹⁾. Imo ad suam omnia retu-

67) ὠύροντο περὶ τῆς πολιτείας, ὡς ἐκ πολλῶ τοῖς δημοκρασίαις ἐκδομένης, καὶ αὐτοὶ ταύτῃ πράξαντες ὑπ' ἀνάγκης (deleto post haec verba puncto videntur ea cum seqq. εἰργάμεντό τε iungenda) App. b. Civ. I. 59. — τῇ τε ἀνάγκῃ τῶν παρόντων ὠλοφύετο, καὶ θαρρῶν προέταξε, ὡς αὐτίκα τῶνδε πανσόμους (ita exquisitius cod. Reg. B., non πανσομένους) καὶ τῆς πολιτείας ἐς τὸ θεῖον ἐλευσόμενης ib. c. 89. Σε τιμωρὸν τῇ πόλει venturum Sulla dixit c. 77. add. c. 79.

68) Altera causa ab eodem p. 254. commemorata, quod, quum ad novas tabulas plurimi spectauerint, Sulla inaequalem civium, quae tum erat, conditionem caedibus tollere, et aequalitatem conditionis et opum stabilire voluerit, vireor ut aut idoneo scriptoris loco confirmari, aut iis quae gesta sunt comprobari possit. Nam hoc effectum est, ut integrae familiae euerterentur, aliae autem illarum ruina crescerent, non ut aequalitas civium maior, siue iura, siue honores, siue opes spectemus, existeret. Prior autem, quam supra dixi, causa iam a Fergusonio ad Sullam excusandum erat adhibita, adversus quem in Not. (Gesch. des Fortg. u. Unterg. der röm. Rep. II. p. 163. ss.) iam pluribus est disputatum.

69) Plut. Sulla c. 22. ibique Leopold.

70) ἔλευθερίας εἰκόνα καὶ πρόσχημα Appian. b. Civ. I. 99. (add. 103.) qui ipse c. 98. Sullam ἐργῇ βραδείᾳ ἢ τυραννὶ, ἀχ αἰρετὸν, ἀλλὰ δυνάμει καὶ βίᾳ dixerat, et quam imperiose egerit, c. 100. s. docuit.

71) Vellei. Pat. II, 28, 3. Plut. Sull. 31, 3. et ad eum loc. Leop. p. 259. — Ad haec auctor comm. in Posselt. Ausp. p. 255. „Was man auch von der Moralität eines Sulla denken mag, immer kündigt sein Verfahren einen aus-

retulit dominationem 72), quam, etiam quum se dictatura abdicasset, satis tamen firmatam et munitam tenuit.

Sed ab his, quorum quo maior intercedit cum iis, quae recentissima aetas luxit, crudelitatibus Galliae tyrannorum similitudo, tanto tristior est recordatio, ad laetiora transeamus. Quum enim sollennia doctorum philosophiae et magistrorum LL. AA. redierint, non modo laetatur ordo, plures fuisse erectis animis et idonea literarum scientia iuuenes, quibus, rite probatis, summi honores vel tribui vel decerni possent, verum etiam gaudet, tum ex iis, qui ante hos L. annos iis ornati sunt, superstitem esse

Virum Plur. Reuerendum

THEOPHILVM SCHLEGELIVM

Sacrorum Burgwerbae prope Leucopetram Antistitem

cui semisaeculares honores ex animo gratulemur; tum se Viro illustri et doctissimo, cuius merita in historiae, geographiae, chronologiae, patriae linguae studia et rem scholasticam, dudum suspexerunt omnes, nos, ex quo cum Sereniss. Principibus Holsatis Oldenburgg. in hac academia versatur, humanitatem singularem et rerum nostrarum amorem dileximus,

CHRISTIANO KRUSE

Seren. Duci Holsato Oldenburg. in Senatu sacro a consiliis etc.

Doctoris Philosophiae honoribus et iuribus nuper tribuendis obseruantiam et beneuolentiam tantis virtutibus debitam, eo quo ordo poterat officio, praestitisse.

Eorum,

serordentlichen Menschen (scil. carnificem) an. Wer Einbildungskraft genug besitzt, die Dinge in ihrer Nothwendigkeit zu denken, wird höchstens bedauern, dass es für die Gesellschaft Krisen giebt, die nur durch Blutströme gehoben werden können.“ Bene cum hominibus actum est, quod incorruptus humanus sensus eiusmodi commentis fortiter aduersatur.

72) Scilicet Sulla, natura *μηνειναι*, sensim longius in *φιλοτιμία* progressus est (Plut. Sulla 3.), quae, quo magis irritabatur, tanto facilius crudelitatem sibi comitem adiunxit, et, quum acriter ei resisteretur, in dominandi libidinem effrenem et immodicam saeuitiae licentiam abiit. De abdicationis causa et vi optime indicasse Appianum (c. 104.) censeo.

Forum, quos per integrum annum deinceps honoribus nostris
ornatimus, nomina, publice renuncianda, sunt:

GVILIELMVS SIGISMVNDVS TEVCHER

Friberg, nunc Iur. utr. Doctor et Concil. perp. h. t. Assessor

CAROLVS CHRISTIANVS FRIDER. REVTER, Lips.

CAROLVS MAXIMILIANVS ANDRÉE

Dresdanus, Medic. Baccalaureus

CHRISTIANVS ADOLPHVS WENDLER

Lipsiensis, Medic. Baccal.

IOH. CHRISTIAN. GODOFREDVS IOERG

Predelio-Misn. Medic. Bacc.

IOH. FRIDER. VEITH, Weissensea Thur.

IOHANNES CAROLVS GEHLER

Lips. Med. Bacc.

ADOLPHVS GOTTLOB FERDINAND. KRAVSE

Rathendorffo-Misn. Med. Bacc.

Antiquo autem ritu iisdem honoribus condecorabuntur:

THEODOR. MAXIMILIAN. ZACHARIAE, Misn.

IOH. FRIDER. GOTTLOB FIEDLER

Dittersbachio Misnicus

IOH. FRIDER. ACKERMANN, Valdkircha Misn.

CHRISTIAN. FRIDERICVS GRAEFE

Chemniceusis, Rev. Min. Cand.

CHRISTIANVS GOTTLOB HECKER, Lips.

LVDOVICVS FRIDER. HESSE, Rudolstadio Thur.

IOH. THEOPHILVS LEHMANN, Sonnewalda Lus.

FRIDER. LVDOVICVS BREVER, Dresdanus

CASPAR CHRISTOPH. THEOPH. WISS, Brotroda Francus

IOH. LVDOVICVS GVILIELM. BECK, Lipsiensis

IOH. IOS. GVILIELM. LVX, Oppelio Siles.

IOH. THEOPHILVS PLVESCHKE, Rohnstockio Siles.

His nostris sollennibus, ut TVA, MAGNIFICE ACADEMIAE
RECTOR, VESTRAque, PRINCIPES SERENISSIMI, COMITES
ILLVSTRISSIMI, PATRES ET DOCTORES ACADEMIAE VENE-
RANDI, praesentia maior reddatur splendor et dignitas, utque VOS,
COMMILITONES OMNIS GENERIS ET LOCI CARISSIMI, fre-
quentes mihi de duobus studii-literarum iusti grauissimis, quae nunc
sunt, impedimentis monituro detis operam, tum meo tum Ordinis
nomine obseruantissime rogo. P. P. Dom. Estomihi A. Aer. vulg.
c1515ccccv.
